

四書溫故錄

國書溫故錄目次三

趙佑學

論語三

學而十八條

爲政十五條

八佾十三條

里仁十一條

公治九條

雍也二十條

述而十九條

計共一萬四百字有奇

時習

學非易至。必須時習。學又非難至。只在時習。集註時  
時。包得舊注之以時。以爲數飛解習字。本說文。亦是  
正月令鷹乃學習注。

有朋

注。包曰。同門曰朋。疏引鄭注。同師曰朋。同志曰友。朋  
疏而友親。蓋古說多如此分別。其實散文則通。故集  
註止言同類。蓋此與上節。卽學記所謂敬業樂羣也。  
學必有朋。是我所以樂取于人。朋自遠方來。又朋之

所以樂取于我。註中。信從者衆。且莫說太濶去。

人不知

此卽學記之知類通達。強立而不反也。我之學。我自知之。何必人。朋尙有知。有不知。何況人。此知字尙未論到功名用世上。不慍。只是篤信所學。不以人之是非毀譽爲憂喜。而後此處窮達之道具見其中。此章三節皆以學字貫時習。乃徹始終事。首言習于已。次言與人共習之。末以驗其悅樂之實。時習之純。或分始中終與成已成物成德者。皆文。陸清獻不免焉。

其爲人也孝弟

天以仁之理生人。未有人先有仁。人得仁之理爲人。未知行仁。先知孝弟。唯仁是性。孝弟同是性。故愛親敬長。謂之良知能。而可以達之天下。故曰孝弟者爲仁之本。今謂論性則以仁爲孝弟之本。更推上一層。可也。謂性中只有仁。易嘗有孝弟來。直以孝弟在性外。何異杞柳杯棬之意。良非末學所能喻。

子曰巧言令色鮮矣仁

疑卽有子述夫子之言。當在上章末爲一章。孝弟之

人不專務言色。卽柔氣婉容于父母之前而不可謂之巧令。惟其誠也。故仁積于中。能行于外。巧令之人。惟其僞也。惡得仁。此與惡紫章前所記。彼是記者專記有不同。猶之不在其位。二。但一是專記。一是因曾子曰而記。則均無重出之嫌。但此未有成說耳。

### 傳

注言凡所傳之事。得無素不講習而傳之。疏傳惡穿鑿。按此以傳爲已所傳諸徒者。亦一義。

### 道千乘之國

道字包許多經畫設施實事。敬信節愛時乃道之要領。先王以仁心行仁政。全部尙書周禮本末盡揭於此矣。何云只論所存未及爲政敬信有全體之敬信。有隨時隨事之敬信。經明屬事言。又言用言人言使民明皆政之所及。何云未及。集註載楊氏失刪此二語耳。而明人講心學樂主之。

### 行有餘力

古者八歲而入小學。是謂學文。未入學前無日非暇也。而已先以六者之教。此六者言之則有條目行之



並無節次安從分別暇日蓋當體經力字人方數歲時不卽責以讀書習藝者爲其精神血氣未足也漸長則漸足是謂有餘力其于上六事亦漸曉得做得來了是謂行有餘力而疏謂之閒暇集註喻以猶言暇日猶字本活俗讀于此一字多信口略過遂致解說非呆卽混

### 雖曰未學

此章專爲世之言學者尙浮華少誠實持揭四大端以示學之在是能盡是方謂之學經文雖曰未學不

過語勢借作點撥讀非正旨自俗講誤沿謂上四句只作低淺看不可太深那疏不免焉而外註吳氏至妄以譏子夏之弊試思子夏文學大賢如何肯說廢學又試思如上四事古今能全盡者幾何人好德如好色聖人屢歎未見與朋友交而不信曾子且以自省至竭力致身兩能字所包尤廣豈可假小孝用力願爲良臣之說藉口乎大抵誠樸之人恒少文采或疎于泛應或拙于詞章不知者因有未學之議此卽俗學所以不明而自聖賢論之則以爲正學之實

在·有·得·處·深·恐·紛·紛·言·學·人·不·能·到·也·夫·不·直·糾·浮·  
議·之·非·而·異·詞·使·悟·是·大·賢·之·立·言·與·

學則不固

學·字·重·扼·註·中·所·學·兼·前·後·言·容·城·孫·奇·逢·曰·固·豈·  
一·朝·夕·之·故·哉·見·之·于·外·者·爲·重·威·存·之·于·中·者·爲·  
忠·信·然·則·主·忠·信·乃·學·之·所·以·固·也·

慎終追遠

此·以·教·民·言·民·皆·知·慎·終·而·不·能·追·遠·庶·人·無·廟·也·  
然·禮·不·敢·過·情·無·不·及·故·率·之·以·厚·而·天·下·化·

以得之

時君敬信就而問之。卽是與而言得。不言與與之權在人。得之道在已。然則言與已非況求耶。

父在觀其志

此一章之主句。志者行之本。爲人子當以善承親志爲孝。而尤莫先于自立志。身體髮膚受之父母。不敢毀傷。立身行道。揚名于世。以顯父母。行爲之皆志爲之。求有志不立而行足觀者。志不立則德不進。業不修。徒恃庇蔭之方長。幸朝夕之無過。優游焉。若將終

身由君子觀之則已不待父歿早知其行也故特提  
策之以父在父歿深警人子者在此然人之性情識  
趣不同雖父子時或不能強合則有父在時志實有  
餘父歿時行非不善特不免急于自見而失之故文  
期之以三年無改夫事固有時異勢殊宜于前不宜  
于後後行之爲父之道未嘗不以待子子改之爲子  
之道未必遂爲背父者然而子之心則知有父之道  
而已是非無改也無改於父之道也父歿猶父在也  
斯誠善承親志者矣夫孝者行爲之皆志爲之也

禮之用

用對體言。禮不能自用。以人之用禮見之。曲禮曰。人有禮則安。無禮則危。卽是兩節註脚。

因不失其親

有我之因。人有人之因。我因偶而親。常因疎而親。密因微而親。顯始于因。成于親。終于宗。我因人而非其親。則有誤繫援之傷。人因我而非其親。則有誤汲引之悔。親所不當親。必反失其所當親。故言不失亦就一邊見兩邊也。然惟能知人。乃能不失人。後章患不

知人卽可爲此補義亦有子言未到處

敏於事而慎於言

此與他章通論言行者別。事者學之事。言亦學中之言也。故疏言當敏。疾于所學事業。則有成功。學有所得。又當慎言說之。集註志有在。在學也。其所不足。其所有餘。其是非三。其字皆謂學。今人都泛涉也。

告諸往而知來者

往來所包甚廣。可也未若是子之告諸往。而因悟詩。切磋琢磨。亦詩之告諸往。而以證斯。皆其知來處。大

評已言未言本活。某黏問答糾纏境學皆陋。

### 患不知人也

大全載東陽許氏說詳哉盡之。但竟將兩句作平說。稍非語勢耳。愚謂不知人。端由患人之不已知而生。蓋惟汲汲于人。則內既失已。而外不暇擇人矣。在上而有市恩要譽之心。則必有汲引非人之累。在下而有逢時于進之心。則必將失足權佞之門。故曰窮視其所與。達視其所舉。君子以之正已。亦以之觀人也。雲峰胡氏曰。始以不知不愠。終以此章學而一篇終。



始也始以不亦君子乎終之無以爲君子始則結以  
思不知人終則結以不知言無以知人論語一書終  
始也聖門論次豈無意與

思無邪

東萊呂氏論桑中溱洧諸詩曰詩人以無邪之思作之學者以無邪之思讀之卓義可補今註而文公不採良由兩家意見多有不合然固不能沒也

吾十有五章

正義曰此章明夫子隱聖同凡所以勸人也

子告之曰

注鄭曰恐孟孫不曉無違之意將問于樊遲故告之疏懿子與樊遲友善將使復告孟孫也俱可補註

父母唯其疾之憂

注馬曰。孝子不妄爲非。唯疾病。然後可使父母憂。疏。疾病之外。不得妄爲非法。貽憂于父母。與今解小異。而意則一。然疾病亦有因妄爲非而致之者。此朱子所以渾融獨至。

左傳哀十四年。初孟孺子洩。將圉馬于成。成宰公孫宿不受。曰。孟孫爲成之病。不圉馬焉。孺子怒。襲成。從者不得入。乃反。成有司使孺子鞭之。秋八月辛丑。孟孺子卒。成人奔喪。臨內。祖免。哭于衢。聽共。弗許。懼。

歸十五年成叛于齊。武伯伐成，不克。及齊平，乃歸成。公孫宿以其兵甲入于贏，則武伯純乎純袴，妄爲不知有父母，不辨人之賢否，甚矣。問孝，是懿子方存時，故警以父母之憂。問子路仁，是武伯已嗣爲大夫時，故告以三子之可使。

至於犬馬皆能有養

注包曰：犬以守禦，馬以代勞，皆養人者。疏：犬馬無知，不能生敬于人，俱明切。集註不從，殊怪。竊謂古注如此類，自不能沒。無待毛西河之爭，安溪劄記及之。

色難

注包曰承順父母顏色乃爲難以色爲父母之色亦切情但今註用祭義文尤鐵據耳

私

燕居獨處四字是正解非進見請問之時又推言以盡其義大註意本圓密講章徒多支离

周

注孔曰忠信爲周疏此魯語文案經書古注多以周訓忠信不可枚舉朱子始易以普徧忠信言其本普

徧言共用。然非忠信。不能普徧。還須兼言。乃備。

異端

春秋時。雖邪說暴行有作。尙未至如楊墨之橫。觀後  
十九篇注。小道謂異端。則所包者廣。端之言緒。言徧  
凡非學所當務之急。而泛獵旁涉。皆謂之異端。故疏  
曰。此章禁人雜學。其又謂諸子百家之書。杜糠堯舜。  
戕毀仁義。亦推類言之耳。集註非正道而別爲一端。  
殊有斟酌。

由詢女知之乎

知者行之本子。路有聞卽行。蓋有不揆知之明昧淺深而失之者。故特誨以知之道。在先自審其所知所不知。知之道得。卽行之道得矣。

### 聞見

以聞見分古今偏也。聞亦有古今。見亦有古今。古事明載詩書。寧非見。今事多未躬親。寧非聞。自當兩兩兼說。凡耳聞者是非多難定。故言疑。目見者得失已較著。故言殆。言獨承聞者。聞原從言來。故卽以聞於言者。慎已言行。獨承見者。見原從行得。故卽以見諸

行者慎已行其實理自互足

### 哀公問

哀公屢有問于孔子。徒聞而不能用。卽其昧舉錯之道甚矣。疏于時羣邪聚政。民心厭棄。故以是對之。然夫子之所謂枉。却未必指三家。假使子于時復用魯。必非急于去三家。哀公第以不堪季氏專橫而求去之。非能正君德求仁賢以自重。是以終蹈乾侯之轍。或謂魯是時舉錯之權已不在公者。非也。

### 書云孝乎



孝乎惟孝。古讀皆如此。斷句由狃于引經常例。詩云。書云。皆斷讀而然也。定從今讀。非但與書本文合。并于一時托詞權答。指點神氣。亦有體會聖人用之則行。舍之則藏。魯自不能用子。子奚從得爲政。或本失問。大註難以語或。意端在此。觀其後季桓子召之。遂以相魯。猶是定公之年。彼漫執昭無正終。定無正始。爲不仕解者。徒迂而不切。或更援禮記禮平禮之文。爲孝乎惟孝證。以肆其攻古文尙書之妄臆者。皆果敢而窒也。

人而無信

君子信以成德。仁義禮智。必要于信而後完。其爲人無信。則假仁假義。禮僞智鑿。白無一可。故正義曰。其餘雖有他才。終無可也。或問專主語言無實。殆不如大註之渾淪。

所損益

損益。卽在所因中。文質是已。疏以夏尙文。殷則損文而益質。夏尙忠而言尙文者。蓋準白虎通書大傳。王者必一質一文。禮三正記。正朔三而改。文質得而復。

之說。嘗論三王之道。若循環。其必以忠則一。何獨夏  
后尙之。書紀文命敷于四海。六府孔修。庶土交正。以  
及致孝鬼神。致美黻冕。則堯舜之文。實至禹稱備。而  
殷因之。周又因之後世。定于建寅。三統陳言。已可無  
庸踴襲。聖人所謂可知者。自不在此。厥惟質文二者。  
極則必反。或一朝之內。自爲損益。或數世之間。各分  
因創。皆帝王所以隨時而制宜。無非三綱五常之事。  
得其道則治。失其道則亂。爲百世所莫能外也。

辟公

辟諸侯通稱所謂百辟也。公天子三公稱公王者之  
後稱公。注辟公謂諸侯及二王後與毛傳同。唯鄭箋  
以辟謂卿士公謂諸侯異。

大哉問

禮本于天。殺于萬物其道甚大。故曰大哉問。蓋大禮  
也。非直大其問大之者。明其非言所能盡也。空嘆惜  
林放者失之。

季氏旅於泰山

此蓋季孫自至泰山祀也。古者望于山川皆非祭于其地。周禮國有大故則旅上帝及四望。注謂五帝及五嶽四鎮四瀆旅陳也。疏云望爲壇遙祭之。蓋以其神之衆曰旅。以其地之遠曰望。魯望三。淮海岱岱最尊。唯天子東巡狩至于岱宗。柴爲禮。言升中。史言封禪所主。餘皆不得至而干焉。魯最近岱。禮止于望。其或有事專告度亦命使而已。未聞君舉者。季氏始干其山行之僭名曰旅。既非有故。又非奉使。不唯僭禮大而褻神求福。實開後世奔走禱祠厲階。故予以責。

冉子之救

繪事後素

注鄭曰凡繪畫先布衆色然後以素分布其間以成其文案此卽所謂後素功者非素質之素矣集註旣改正不應又雜引考工前人有論之者是

夏禮吾能言之

有欲斷之字屬下祀宋爲句者援禮運我欲觀夏道是故之杞而不足徵也云云然中庸亦有杞不足徵也則毋輕議矣徵鄭注包注皆訓成今訓證與無徵

不信意合。然證乃所以成也。

### 奧竈

古祭于奧。五祀皆然。其迎尸求神。則各于其所。是奧無適主。竈有專神。喻行禮于公朝。不如效勤于私室也。猶以竈喻者。所處隱蔽。其祭以老婦主之。禮恒簡褻于媚意近也。

### 是禮也

知在平日。是得之于聞問在臨事。更證之于見。正禮所不敢苟處。

爲力不同科

注馬曰。爲力。力役之事。亦有上中下。設三等。故曰。不同科。案此。不以爲字讀去聲。與上射分二事。蓋一則教民以禮。一則使民以義。未始不可存。疏言。周衰。政失。力役之事。貧富兼并。強弱無別。同爲一科。故孔子非之。云。古之爲力役。不如今同科也。然于三等之實。惜未有以明。蓋邢疏之闕佚多矣。如下章告朔。疏是用孔穎達。頗詳洽可讀。而學者又不知讀。彌使人不勝惜也。



人以爲諂也

以禮爲諂。必將以諂爲禮。則病禮。而禮不可盡矣。惟不知禮之爲禮也。以盡禮爲諂。必將以不盡禮爲不諂。則病君。而君不足事矣。惟不知君之爲君也。

君使臣。臣事君。

正義曰。時臣失禮。君不能使定公患之。孔子言禮所以經國家。定社稷。止由君不用禮。則臣不竭忠。故對云云也。此卽尹氏曰所出。而較尹更明切。大註各欲自盡。義至精。然爲對君言。得非欲公之先自盡乎。

關雎

以關雎之寤寐反側爲文王思得后妃而哀吾所斷不敢阿也李文貞曰關雎后妃求賢于內也鹿鳴文王求賢于外也千古篤論詩說已詳茲故不贅

木鐸

正義曰禮有金鐸木鐸周禮教鼓人以金鐸通鼓大司馬教振旅兩司馬執鐸明堂位云振木鐸于朝是武事振金鐸文事振木鐸此言木鐸所以振文教是也補注甚好

韶武

注疏皆以征伐不若揖讓未嘗論及性反顧氏曰知錄曰觀于季札論樂以文王爲猶有憾則得夫子謂武未盡善之旨矣猶未洽于天下此文之美哉猶有憾也天下未寧而崩此武之盡美未盡善也聖人之時也亦心得之論可與大註備參

里仁爲美

一句正說擇里當處仁就人所易知者作引下二句推開另說上仁字淺下仁字深不處仁則是不仁而云焉得智仍就擇里意言其明于小而昧于大也孟子引此而申以夫仁天之尊爵也云云是正釋下二句之義即可爲本章正註集註則從鄭康成及註蓋于始分兩截

造次顛沛

造進也次止也進易急遽止易苟且以處常言顛如

木之隕自上面下爲傾覆沛如水之溢自此而彼爲流離以處變言舊注造次急遽顛沛偃仆只說得一半集註凡以兩字釋一字四字釋兩字處多精當不刊今人不加體貼仍是團團吞棗可惜耳

其爲仁矣

特揭此句見惡不仁與好仁同一用其力于仁大註此皆成德之事不依舊分優劣然則仁者安仁知者利仁同一處仁不必泥深淺之說

觀過斯知仁矣

但言仁不更及不仁。所謂舉一邊見兩邊也。人固有同是過而一則無礙于素一則適見其全者。必謂添出不仁不得。則上明言黨言各。又將何說。

### 適莫

適如何是厚。莫如何是薄。舊解模糊不似。此類甚多。宜集註之單行。竊以文莫吾猶人也。此莫字亦可作不肯意。舊言無言不。均非至的耳。

### 懷土懷惠

富貴不歸故鄉。如衣繡夜行。此所謂懷土鄉土也。懷

與安實敗名亦謂懷土不必鄉土也故曰溺其所處之安。睚眦之怨必報。盡食之德不忘。此所謂懷惠人惠也。施惠如出責。國語晉語其責也責古債字亦謂懷惠已惠也。則不專貪利然沾沾于惠而計利深矣。

多怨

衆怒難犯。專欲難成。怒從怨生。貨悖而入者亦悖而出。悖從怨生。聖人言簡而意該。

忠恕

忠恕而已矣。正解一貫所謂下學上達是已。講章強

分學者之忠恕聖人之忠恕由誤認大註一借字未免葛藤而或因以訛註則知言之難也

古者言之不出

莫說成古者之言不出當體味語氣上下相生

以約

定非專論奢儉舊偏耳賁盡飾愛以剝節當位愛以孚君子損益盈虛與時消息于謙得六爻之吉于豐厘日中之憂天道人事未有不始于約歸于約者約而爲泰則無恒泰而能約故可久曲禮曰敖不可長



欲不可縱志不可滿樂不可極皆言約之道也

事君數

正義曰此章明爲臣結交當以禮漸進也不專以諫  
諍言却好

可妻也

南容之可妻人易知公治人未必知方以爲不可故特揭言之非其罪則全是無辜遭累見當時刑罰不中彼謂不以一眚掩大德猶不免眚仍是罪矣語有似然而不然者端在細心人善參之

屢憎於人

佞原爲悅人舉世皆好之當言屢悅何云憎悅者自悅憎者自憎也不才之所悅有道之所憎也詩云謂爾不信旣其女遷卽悅之者未有不終憎之也至爲

所禦者之口屈而心讐更不待言示微深矣

吾斯之未能信

斯指此理而言即舊注所謂仕進之道也並非泛說空理俗講自支耳

聞一知十

一者數之始十者數之終本邢疏語集註用之始終所包甚廣並非以一事言如大學物有本末事有終始知止爲始能得爲終八條目格致爲始平天下爲終中間俱有許多節次豈得止爲一事毛西河妄以

攻朱子謂僅知一事之始終轉不如知二毋乃癡見  
至說末句欲依舊作吾與女俱弗如益迷

振也慾

有慾便不能剛無庸更言多也

蔡

注包曰出蔡地因以爲名長尺有二寸疏不能詳其  
實案史記龜策傳神龜出于江水中廬江郡嘗歲時  
生龜長尺二寸者二十枚輸太卜官通典廣濟縣志  
山出大龜書曰九江納錫卽此此蔡名所出左傳疏

亦未詳其皆偶失攷又臧氏有蔡又有僂句並見傳  
昭二十五年注僂句邇所出地名

不念舊惡

此正聖之清處大註清者之量是直下語不云清而  
有量多費轉身往時陳句山先生嘗以評予文深佩  
其知言講家只緣認清字不真遂并量字錯會量乃  
分量之量非度量包容之謂也

足恭

陸孔曰足恭便辟貌疏便習盤辟其足謂前却俯仰

以足爲恭也。一曰足，將樹切成也。謂巧言令色以成其恭，取媚于人也。今註從後說，案體貌從足起，故體每言足。容行容，鄉黨記聖人之恭，亦恒及于足。趾高箕踞，則爲不敬，而將進趨，起以言可恥，則足字自可如字解。然將樹切之讀，亦有不妨存者。今山東人語音猶然也。

### 無施勞

以勞爲有功，施爲張大，則卽伐善甲裏事。依講章分善爲能在己，勞爲功及人，而伐與施仍無大別，定當

主舊注不自稱己之善不以勞事置施于人集註所  
載或曰是也此乃施諸己而不願亦勿施于人于施  
字解亦現成上善字自可兼在己及人說也

南面

南面只是臨民之謂舊言諸侯今言人君特舉大耳  
凡官府聽事之處皆南向古今一也玩一使字可之  
具在雍使之責在人其亦爲當日人君致意與

子桑伯子

子桑伯子當闕所疑鄭氏以爲秦大夫公孫枝字子  
桑固不足據亦未見卽莊子之子桑戶其人或出或  
處蓋必有言行表見爲當時所推重聖門所不鄙故  
仲弓特援爲問而子可之未見與上可懸殊簡自是



一字之褒仲弓卽因而論簡之得失乃是自抒心得之言非必有不足于他人轉似違言于長者古人之幸傳其名而莫詳其實多矣若伯子不衣冠而處夫子嘗譏其同人道于牛馬則旣明明不可矣何云可是野而已耳何云簡仲弓先不消問何論太簡家語每多附會亦不爲實錄也

君子周急不繼富

此夫子所以教冉子不可謂自明其不與粟之旨也何也子華使於齊乃有事弟子服勞之常與受官不

同夫子本可無與假使子華本急自在同人助之不足  
以煩長者故曰爲其母冉子亦自有分寸而夫子姑  
徇其請至于再而冉子悟矣其又自與之在冉子非  
必有見少于子之心原爲自盡其周之義却無解于  
子華富何是繼之矣故述君子以曉之然使子華急  
而同人助之斯可謂之周若出夫子與之果有不  
可不與則用其人而爲其人分所當得雖富不可謂  
之繼則急亦豈可謂之周乎第觀原思之事可見也  
此記者合敘之意也使齊不使原思而使子華爲宰

不以子華而以原思又聖人所以體人情當于事外得之

犁牛之子

音義雜文曰犁又耕犁之牛案耕犁之義似可存犧牲不取于耕牛也故得言勿用而其犢有中爲犧者則官選之矣此言其始服田野終登廊廟也并可渾去父行惡意更記原止言父賤也但集註不取文獻通考圖賦考載石林葉氏辨趙過始用牛耕事亦引此章語作耕犁解云

三月

正義曰三月爲一時天氣一變人心亦多隨時移變  
唯回也其心雖經一時復一時而不變移案此較今  
註言其久三字加明析

季氏使閔子騫爲費宰

注孔曰季氏不臣而其邑宰數畔聞閔子賢故欲用  
之可補今註士各有志不可強合閔子與仲弓皆德  
行大賢一辭季氏一爲季氏宰未聞聖人有褒貶于  
其間當時滿地皆世卿公族選舉道塞寒峻之士不

求仕則已苟仕舍私門下邑鮮可托身者要于人品  
優劣初不在此所謂君子之道或出或處不必如外  
註因閔子之高而輕議諸賢之細也

### 自踊執手

寒家大都湫隘病次或缺掃除承尊者之來辭不敢  
延入視而暫卽踊聞勢已垂危僅一執手此時情緒  
可想必待南北遷移母乃過迂而擾朱子作官室者  
室南其戶戶東而牖西戶牖之間謂之依註尊者及  
賓客位于此又云自門以北皆周以牆固未言北更

有歸鄉黨疾君視之東首包咸注亦第云南歸之下  
那疏始添出北而集註因之

仁山金氏以註北  
歸歸字誤當作歸

### 簞瓢陋巷

有謂此只是設詞非實事猶之疏水曲肱也然觀屢  
空之言則并食飲有時不繼是亦可以概見彼蒼于  
屢空不作貧解由失體下言貧殖明有對照意耳唯  
陋巷未必實在地名而今復聖裔譜猶稱陋巷志充  
州府城與曲阜俱有陋巷題額相仍迄無確定云

### 子謂子夏

子夏篤信謹守非務外爲人之學論語分別君子小人皆各有指實獨此第舉其名而渾之曰儒說者以真儒僞儒立論則豈子夏亦有涉于後世俗學馳騫標榜色取行違一流哉竊以此小人當以言必信行必果硜硜然小人哉者爲之註脚彼不失爲士之次此言儒一也子夏規模狹隘蓋未免過于迂謹聖人因而進之以遠大註載謝氏較爲正義讀者審諸子游爲武城宰

古者諸侯貢士于天子大夫貢士于諸侯皆出自鄉

舉里選端在爲之正長者平日作養之豫識別之公  
有以厚風俗起人才然後足以應上之求故子游爲  
武城宰夫子詢以得人其語仲弓亦曰舉賢才蓋欲  
爲國興賢非私羽翼計漢世守令得自辟曹掾後有  
遊爲三公者猶此意也魯自不能登崇俊良致子游  
不久于武城而子羽亦止爲吾黨之人說者謬以此  
一問有陰羅奇士之心豈不遠哉

### 偃之室

公事如飲射讀法之類則自有公所周禮州長黨正



之會民而射于州序飲酒于序是已以時而集成禮而退何必遂至宰室蓋邑大于鄉宰之下分理之人尚多減明蓋亦有執事于武城得與宰科觀左傳紀王犯嘗爲之宰潛臺子羽之父好焉則是世負民望爲宰重宰樂開室待之而獨非公不至夫其父方以與宰好致爲國人屬耳目則子羽亦誠善于審處非徒刻意爲高矣斯足爲搢紳枯鄉鑒乎

祝鮀之佞

文辭關乎氣運亦隨好尚有前所爭趨爲新而後靡

爲故者一部左傳前半截使詞盟誓大都從簡直後  
乃漸衍漸繁及春秋末遂判若兩體假必依前之爲  
知其不能且不可也祝鮀人品卑下其詞令在昭定  
間獨另擅一種聲情口角觀旱魃長衛一篇微述斷  
制排比開闔備極行文縱橫變化之妙若論事理蔡  
之先衛入春秋書法皆然踐土之盟衛子且列鄭下  
而一時翻翻于道路間未有方策可贊對復無老成  
能折辯遂任其顛倒玩弄使人聽之不能不口屈後  
世誦之復不能不歎爲洋洋大篇真絕世禦人之才

夫子慨世道而獨舉祝鮀之佞學者當知文爲立言之  
之一由正大斯爲文競佻巧卽爲佞也

祝鮀治宗廟所取于祝鮀之才者自非以其佞蓋古  
嚴祭祀其儀繁重皆掌於宗祝故太祝居六太之一  
其所掌贊詔饋相出入始終最爲難稱非唯祝冊一  
事鮀必有獨嫻其任者佞第可借作論波耳信以佞  
爲才豈謂鬼神亦好佞乎殊非立言之體也

史

儀禮云辭多則史少則不達注史謂策祝近松江焦

袁熹授以說文勝質則史正與此同。註云掌文書。若太史小史掌邦典邦志是也。或云府史胥徒之史非也。案邢疏亦言史官焦說不爲無本。然史官之體最貴質直賤浮華。古史尤簡于後世。尚書周官經豈可以辭多文勝言。厥惟府史卑瑣專主簿書不厭煩複其文以求達本不足言文而有不能質之勢。恐儀禮所言亦當指此而注謂策祝今註易以掌文書明示不同。若史官則唯孟子其文則史是已。

知之者

此章特爲知之者提策。既知之。卽當知所好。以進于樂。方于知不負好。是知之實在用心。樂是知之精進得手。皆知之者必歷之境。到得樂。自不能已。却不可與未嘗知者語。嘉魚文最得之。或呆分兩對。甚有作始中終者。皆謬。樂又豈爲終事乎。

中人以上

此章專爲激勸中人設。故兩舉中人。注王曰。兩舉中人以其可上可下。語最有體會。人之天生上知者不數。天生下愚亦不數。故聖人教人。大抵中人居多。中

人以上中人以下本皆中人之資也。但視其能知上而勉焉以日進。乃可施其導誘之力。若安而惰焉。以至漸卽于下。與上日遠。雖聖人亦未如何。故有可語上不可語上之別。語上是教者用心。本無厚薄。以上以下。是學者詣力。難免低昂。語上之上。是現成上字。注謂上知之所知也。以上之上。是趨向上去意。音義別爲時寧反者也。以上有漸次等級。語上亦有漸次等級。上得一步。卽有一步之上。語之。此之謂因材施教。而篤此之謂不躐等。今或專主質性。將上四字讀作例。

圖現成語。則世安得盡中人以上之資。語之。而兩句止分得兩等人。彼不上不下之中人。又將何以語之。此由讀兩上字。未審死活虛實耳。然時掌反之音。固明存集註音中。卽下字。並非現成之下。夫子所謂不可者。豈第爲下愚不移之徒示警哉。

### 知仁

正義曰。此章初明知仁之性。次明知仁之用。三明知仁之功也。好注日進故動。無欲故靜。語簡至。

### 齊魯

周公之開魯。太公之開齊。皆以道爲治。觀孟子之稱太公望散宜生。並得湯文道統。大戴禮載丹書。可識本末。而小戴庸陋。徒以簡短棄之。彼戰國策。乃傳有太公陰符之書。史記亦稱魯公太公。以報政之遲速。斷後世之強弱者。皆非其實也。蓋齊之強于魯。正齊所以不及魯。而其形勢風俗之分。則全不在太公。而在桓公。管仲齊當春秋之初。與魯衛宋鄭相往來。未見能駕其上也。自管仲相桓公。制國爲二十一鄉。制鄙以三十家爲邑。作內政而寄軍令。輕過而移諸甲。



兵國以富強。南征北伐。天子聽命。遂爲周伯之倡。其名雖尊。周室而先王井田學校之遺。爲其所更張。雜亂實由之始。其臣其民。由是相習于狙詐。尋至弑奪頻仍。上下如市。當孔子之時。而齊無復見先王之道。二百年矣。濟之以景公之昏耄。陳氏之陰深。齊且不保其爲齊。而他何望哉。故其變也難。魯本非甚弱。甘爲齊弱耳。其于先王之道。始自宣公至定哀。百許年來。稅畝邱甲田賦。雖變壞非一。而都鄙溝洫之舊。猶未盡湮失。禮樂僭而猶可修明。權臣橫而猶可裁抑。

也。故天下以爲周禮在魯。其變之也易。試觀夫子三  
柳之墮。三月之治。與子游弦歌之化。卽其明驗。聖人  
亦隨其受病之淺深爲施方之節次而已。程朱之論  
良不可易。文家唯陶庵先生斯得大意。

### 子路不說

案禮。朝聘有享。后享夫人之禮。則仕而見小君。于古  
不爲過。故魯莊公哀姜至。大夫宗婦用幣。杜注。傳  
不言大夫唯舉非常也。子路不說。自以南子淫亂耳。  
淫亂非可斥言。君子居是邦。不非其大夫。况君夫人

中庸古金 卷三 三  
乎然此與公山佛胥事皆特書子路宜聖人獨稱其  
爲禦侮友哉

中庸之爲德也

中庸其至矣乎是以道言故下著能字此中庸之爲  
德是以人之能中庸言德者行道而有得于心之謂  
也故下不更出能字

何事於仁

事字讀言何必如此始爲事於仁下二語一句一  
轉聖以地言是聖人在天子之位者舉堯舜以見湯

武夫仁者則通乎上下正示以事于仁之實立人達人是恕之事而先之已欲則亦兼忠言之未有不先已而能及人者所謂無忠做恕不出當重上截不當空陳物我一體濶語末句以方字與上病字對照生情此時文之佻巧項水心有之不可爲正訓也

述而不作

孔子刪詩書。乃事理所無。始自史記稱古詩三千餘篇。及至孔子去其重。取可施于禮義。三百五篇。孔穎達詩正義嘗極辨其誣妄。學者不可以不讀也。至于書。則世家第云孔子時周室微。而禮樂廢。詩書缺。追迹三代之禮。序書傳上紀唐虞之際。下至秦繆。編次其事。並不言有去取。夫方以其廢缺。而編次之。豈反嫌其繁多而黜去之。儒林傳亦止言論次詩書。明起禮樂。可見龍門原不以刪爲定說也。其振振言刪。厥

唯孔安國書傳序而穎達不免出入其間予說詩書  
屢辨之以歐陽文忠篇刪章章刪句句刪字之說最  
爲害理乃世儒動相沿襲集註亦所不免今遂矢口  
涉筆習爲固然矣聊復言于此

凡我其人者皆引而親之之詞商賢遠矣孔子嘗問  
禮老聃有師事之義故曰於我老彭似疏載一云卽  
老子也皆可從唯以堯臣彭祖歷虞夏至商爲守藏  
吏在周爲柱下史未免太奇鄭王則以老聃彭祖爲  
二人然老子壽同彭祖無妨自有彭名也

默而識之

夫子屢言學誨獨此先以默識則作一頭兩脚于語氣亦自有合。唯當湖定主三平學本兼知行上識已是知上事。則此學應只是行上事矣。

束脩以上

疏引檀弓大夫束脩之問不出竟。並少儀穀梁傳文。是知古者持束脩以爲禮。此是禮之薄者。其厚則有玉帛之屬。故云以上以包之。解本明切則有援束脩圭璧之說求異者。殊不必也。古脩修二字別。

憤悱

二字皆從心憤怒意自激奮也悱哀意自怨痛也爲學求通而不得往往有此今人但知憤爲發憤之憤而不知悱卽悱惻之悱集註口欲言則專據說文

子於是日哭則不歌

不云是日歌則不哭坡仙真解人真理學

臨事而懼好謀而成

講家以懼謀成分三層非也惟懼故謀惟謀乃成然非能取必于成聖賢所得自盡者惟懼與謀謀而成



理之正也。其不必成。亦數之變也。不懼不謀。而倖成。斯不足訓耳。諸葛公一生謹慎。鞠躬盡瘁。死而後已。至于成敗利鈍。非臣所能逆睹。是以爲聖人之徒。

### 樂亦在其中矣

所樂者何事。曰。義而已矣。義者立命之根。君子樂義。故曰窮不失義。故士得已焉。下二句。卽萬鍾於我何加之謂。富貴本如浮雲。不足言樂。況不義乎。

### 五十以學易

禮云。五十始衰。大都人至五十。識見學養。可以視前。

加進而精力意氣不免漸就減退故曰始衰原非便衰。予年五十二三始覺得始字意味歎古經字句無一可移撼者。古人學貴及時所爲致警于不再來也。夫子五十而知天命確有年數則其言五十以學易自當是未五十時語蓋正欲及未卽衰而益加精進故曰加我數年與史記語可兩存但注疏必指爲孔子時年四十七歲則泥而鑿耳若劉氏所見作卒字本或是誤本未可定也加字亦不必作假

雅訓常亦訓正古注多從正兼之爲備鄭曰讀先王  
典法必正言其音然後義全故不可有所諱禮不誦  
故言執此則不如集註言何但以音哉禮何必不誦  
特以行習爲主故言執耳于此見古說之拙而亦見  
古人讀書極重音呼不似後人苟且也

吾無隱乎爾

乎爾語詞猶言而已與詩之俟我于著乎而孟子然  
而無有乎爾則亦無有乎爾俱齊魯間語詞予嘗于  
詩說及之詩爲刺不親迎故言俟我于著而已孟子

趙岐注聖人之間必有大賢名世百有餘年適可以  
出未爲遠而無有也然而世謂之無有此乃天不欲  
使我行道也則亦當使爲無有也乎爾者歎而不怨  
之辭是也此吾無隱乎爾是言吾之教人唯有無隱  
別無他道耳下乃申言其實也或以爾字卽謂二三  
子則預躡下文

亡而爲有三句

大註皆虛夸之事從經三爲字體出只就事上見不  
用更說深世間無恒之人亦多非必盡由此而莫如

三者之顯然易見故又以凡若此者包舉之

弋不射宿

疏但晝日爲之不夜射棲鳥也爲其欺暗必中且驚衆也與今解但分別飛止者不同

多見而識之

疏多見擇善而識之多見亦言擇善意以經文爲蒙上省而補之也竊謂多聞闕疑多見闕殆各有所關亦當各有所擇矣

與其進也六句

舊依原文讀。蓋先明所以見童子之意。而繼因廣言  
與人之道。以教門人也。分兩層解。自得上下語勢。換  
轉似可不必。蔡傳之改。舜典讀亦然。

爲同姓

音義爲。于僞反。疏爲是同姓。諱之。與陸讀同。則當上  
四字斷句。三字自爲句。與下連。

苟有過

知禮是正答。何過之有。此與孟子答陳賈。周公之過。  
皆非過。而權作對付。庸俗人固不直與饒舌也。不比

觀過斯知仁矣之過是實在過了乃時政不察漫援  
周公孔子事以當之

文莫吾猶人也

文貴自抒心得故曰罄澄心以孤往渺衆慮而爲言  
曰惟古于詞必已出降而不能乃剽賊曰欲語羞雷  
同凡有所作爲而預存模倣前人依傍藩籬之見無  
論其不工也卽工亦第云似某某而已不足以吾自  
見吾皆所謂雷同剽賊也有者必無是何况聖人  
聖人之所謂文非若後世之文務于矜長角勝也而

曰莫善猶人可見文無古今端在自得其爲吾而已  
夫聖人不肯爲猶人之文所以言立于千古而常恐  
有不如君子之行所以道備乎百王

誄曰

注誄禱篇名案周禮大祝作六辭五曰禱六曰誄注  
此皆有文雅詞令難爲者也則二事分體古人蓋名  
有成文故子路述之未必誄卽禱篇之名禱以求福  
生先鄭引鉞之戰衛太子禱後鄭引張老善頌  
善是也誄以作諡施于死故謂積累生時德行而



賜之命引哀公誄尼父亦及論語此文疏以六辭皆  
爲生人作詞無與死者之事又云生人有疾亦誄列  
生時德行而爲詞與哀公誄孔子意同則矛盾矣此  
誄曰禱爾之文還當自爲誄篇于死後之誄而追述  
其生時之禱耳然則禱之無益亦明矣故孔曰子路  
失措

### 君子坦蕩蕩

此周易行險之分坦字着重包立心行已處事待人  
言蕩蕩坦之形容長戚戚坦之反對